



SIGHENDI A ATOBIAI E A CONTAI SU SULCIS
L. 482/99 E L.R 22/18



Su padenti de Pantaleu

Santadi

Su padenti de Pantaleo si spàinat po 4231 ètarus e est de cumpetèntzia de is Comunas de Santadi e de Nuxis. Ingunis s'agatat sa mata de ocalitu prus manna de Sardigna: arta 27 metrus e grusa 5,6 m, dd'ant prantada a sa fini de su de XIX sèculus.



Su logu est amparau de sa L.R.n. 31/1989 e funt 1600 ètarus aundi sa cassa est proibida, sendi *Oasi di protezione faunistica*. De su 1872 a su 1951, Pantaleo fiat sa sea de un'indùstria boschiva e chìmica. Est considerau su padenti de ilixi prus mannu de su mundu e ddoi at puru suèrgiu, longuvressu, modditzì, murta, olioni e tiria.



De animalis si nd'agatant medas, difatis Pantaleu est logu adatu po cerbus, sirbonis, cabriolus, buchemelis, gatus arestis, màrcius e margianis. De pillonis arremonaus àchilis, storis, arcireddus e pigas. Acanta, s'agatat Sa Spindua, logu aundi si podint biri cascadeddas e scabiosseddus de àcua sighendi su tretu de s'arriu Maxias.



Nci funt testimònias archeologicas che is termas de Is Figueras e de archeologia industriali, che is fogaias, imperadas po ndi tirai carboni e produci bruvura intra su 1872 e su 1951. Cun sa ferrovia su carboni ddu portànt a Portu Botis po ddu fai partiri conca a is portus de Marsiglia e de Tolone, in Frància.



Sa geologia de s'area est complessa. Ddoi funt arrocas de orìgini differenti e de ònnia edadi chi criant ceas e paesàgius sugestivus. S'agatat a prus o mancu 8 chilòmetrus de sa bidde, andendi conca a Cabuderra. Apenas si lompit si biit su fàbbricu de sa caserma forestali: de ingunis si podit andai a su padenti de Gùturu Mannu, Is Cannoneris, Monti Nieddu e Piscinamanna.

